

Cwestiynau Cyffredin: Cymelliadau Ariannol Hyfforddiant i Feddygon Teulu

C1. Allwch chi ddweud ychydig wrthyf i am y ddau gymhelliad Hyfforddiant Arbenigol a gymeradwywyd gan Ysgrifennydd y Cabinet dros lechyd, Llesiant a Chwaraeon ac a gyhoeddwyd gan y Prif Weinidog fel rhan o lansiad ymgyrch Hyfforddi Gweithio Byw ar Hydref 20 2016?

A1. Dyma'r ddau gymhelliad:

- **y Cymhelliad Wedi'i Dargedu:** Ar hyn o bryd bydd gan Feddygon Teulu dan hyfforddiant sydd yn dechrau swydd gyntaf eu rhaglen meddyg teulu dan hyfforddiant rhwng 2017 hyd at ac yn cynnwys Chwefror 2022, mewn ardal a dargedir sydd â hanes o gyfraddau llenwi is na'r cyfartaledd, yn gymwys i dderbyn taliad o hyd at £20,000 os byddant yn aros mewn ardal darged am y cyfnod y maent yn hyfforddi ac am un flwyddyn o ymarfer ar ôl iddynt gymhwyso. Mae'r cymhelliad yma wedi'i dargedu at ardaloedd hyfforddi dethol ym Mwrdd Iechyd Prifysgol Hywel Dda ("BIPHDd"), Bwrdd Iechyd Prifysgol Betsi Cadwaladr ("BIPBC") a Bwrdd Addysgu Iechyd Powys ("BAIP") ('Ardaloedd Byrddau Iechyd Cymwys').

- **y Cymhelliad Cyffredinol:** Mae'r holl hyfforddeion sydd yn dechrau swydd gyntaf eu rhaglen meddyg teulu dan hyfforddiant yng Nghymru rhwng 2017 hyd at ac yn cynnwys Chwefror 2022, yn gymwys i dderbyn ad-daliad am gostau sefyll yr Asesiad Ymgynghori Cofnodedig (RCA) cyntaf a'r Prawf Gwybodaeth Gymhwysol 9AKT) cyntaf (tua £2000). Bydd yr holl Fyrddau Iechyd yn elwa o gyflwyno'r cymhelliad yma.

C2. Pwy sy'n ariannu'r cymelliadau hyn?

A2. Ariennir y cymelliadau hyn gan Lywodraeth Cymru.

C3. Beth yw'r meini prawf cymhwysedd ar gyfer y cymelliadau hyn?

A3. Bydd meddygon teulu dan hyfforddiant sy'n dechrau penodiad cyntaf eu rhaglen hyfforddi yn 2017, 2018, 2019 ac 2020 a hyd at a chan gynnwys Chwefror 2021 yn gymwys am y cymhelliad cyffredinol.

Bydd meddygon teulu dan hyfforddiant sydd wedi dangos eu haddasrwydd i dderbyn hyfforddiant meddyg teulu, yn unol â'r broses y cytunwyd arni'n genedlaethol ar gyfer recriwtio i Raglenni Hyfforddiant Arbenigol Meddygon Teulu, yn gymwys i dderbyn y cymhelliad cyffredinol ac, os ydynt yn cael eu hyfforddi yn un o'r meysydd dynodedig, y cymhelliad targed.

Bydd meddygon dan hyfforddiant o gynlluniau Gwent a Chastell Nedd Port Talbot sy'n cwblhau eu penodiad ST3 cyfan mewn practis ym Mhowys hefyd yn gymwys am y cymhelliad targed.

C4. Alla i fod yn gymwys am y ddau gymhelliad?

A4. Gallwch. Bydd unigolion sy'n dechrau penodiad cyntaf eu hyfforddiant meddyg teulu yn 2017, 2018, 2019, 2020 a hyd at a chan gynnwys Chwefror 2021 yn un o ardaloedd targed Cymru yn gymwys am y cymhelliad targed ac am y cymhelliad cyffredinol.

Ni fydd unigolion sy'n dechrau penodiad cyntaf eu hyfforddiant meddyg teulu yn 2017, 2018, 2019, 2020 a hyd at a chan gynnwys 2021, y tu allan i un o'r ardaloedd targed, ond yn gymwys am y cymhelliad cyffredinol.

C5. Pam mae'r cymelliadau hyn yn cael eu cyflwyno?

A5. Mae cyflwyno'r cymelliadau hyn yn rhan o waith ehangach sydd ar y gweill, ar lefel genedlaethol a lleol ill dwy, er mwyn cynorthwyo ymrwymiad Llywodraeth Cymru i fuddsoddi mewn gofal sylfaenol a'i gefnogi.

C6. Â phwy y galla i siarad am y cymelliadau hyn?

A6. Yn y lle cyntaf, dylech chi e-bostio:

NWSSPGPSingleLeadEmployer@wales.nhs.uk

C7. Oes gwefan sy'n cynnwys rhagor o wybodaeth am y cymelliadau hyn a hyfforddiant i feddygon teulu yng Nghymru?

A7. Gallwch chi ddod o hyd i ragor o wybodaeth am y cymelliadau hyn, ynghyd â gwybodaeth am gyflogi meddygon teulu dan hyfforddiant trwy bartneriaeth Cydwasanaethau GIG Cymru, ar wefan www.gpstr.wales.nhs.uk.

C8. Pwy fydd yn gweinyddu'r cymelliadau?

A8. Caiff y cymelliadau eu gweinyddu gan Bartneriaeth Cydwasanaethau GIG Cymru, fel rhan o'u gwaith cyfredol fel cyflogwr unigol ar gyfer meddygon teulu dan hyfforddiant. E-bostiwch: NWSSPGPSingleLeadEmployer@wales.nhs.uk

Y Cymhelliad Targed

C9. Ymhle mae'r ardaloedd targed?

A9. Bydd meddygon dan hyfforddiant sy'n dechrau penodiad cyntaf eu rhaglen hyfforddiant yn gymwys am y cymhelliad targed os byddant yn dechrau'r penodiad hwnnw mewn un o'r cynlluniau hyfforddi meddygon teulu canlynol:

- Cynllun Hyfforddiant Arbenigol Meddygon Teulu Bangor (BIPBC)
- Cynllun Hyfforddiant Arbenigol Meddygon Teulu Dyffryn Clwyd (BIPBC)
- Cynllun Hyfforddiant Arbenigol Meddygon Teulu Wrecsam (BIPBC)
- Cynllun Hyfforddiant Arbenigol Meddygon Teulu Aberystwyth (BIPHDd)
- Cynllun Hyfforddiant Arbenigol Meddygon Teulu Sir Benfro (BIPHDd)

Bydd meddygon dan hyfforddiant sy'n cwblhau eu hyfforddiant ST3 cyfan yn un o'r practisiau canlynol ym Mhowys hefyd yn gymwys am y cymhelliad targed:

- Canolfan Iechyd y Gelli Gandryll
- Practis Grŵp Meddygol Aberhonddu - Tŷ Henry Vaughan
- Practis Grŵp Ystradgynlais - Meddygfa Pengorof
- Practis Meddygol Llanfair-ym-Muallt

Bydd Cyfarwyddwyr Rhaglen Meddygon Teulu yn gofyn i feddygon teulu dan hyfforddiant yng nghynlluniau Gwent a Chastell Nedd Port Talbot, sy'n dechrau eu penodiad rhaglen hyfforddiant yn 2017, 2018, 2019, 2020 a hyd at a chan gynnwys Chwefror 2021, am fynegi diddordeb mewn mynd i bractis hyfforddi ym Mhowys ar gyfer eu blwyddyn ST3. Os bydd mwy nag un meddyg dan hyfforddiant yn dymuno mynd i bractis ym Mhowys, dewisir y meddyg ar sail ei safle o'i sgôr ddewis gyffredinol.

C10. Sut y caiff y cymhelliad £20,000 ei rannu?

A10. Rhennir y cymhelliad yn ddau daliad o £10,000.

C11. Beth yw'r ymrwymiad disgwyledig cyn y gellir derbyn y taliadau hyn?

A11. Er mwyn bod yn gymwys i dderbyn y ddau daliad o £10,000, pedair blynedd o hyfforddi a gweithio mewn ardal darged (fe'u rhestrir yn Ateb 9) yw'r isafswm sy'n ofynnol gan feddyg dan hyfforddiant. Hynny yw, tair blynedd o hyfforddiant meddyg teulu amser llawn ac wedyn ar ôl cymhwyso bydd rhaid cwblhau un flwyddyn o weithio fel partner Meddyg Teulu neu feddyg teulu cyflogedig mewn practis neu mewn canolfan y tu allan i oriau, mewn un o'r Ardaloedd Bwrdd Iechyd Cymwys.

C12. Pryd caiff y taliad cyntaf ei wneud?

A12. O dan y cymhelliad targed, telir y rhandaliad cyntaf o £10,000 i'r meddyg dan hyfforddiant yn ei gyflog yn y trydydd mis, ar wahân i'r meddygon dan hyfforddiant sydd wedi eu dewis i gwblhau eu penodiad ST3 mewn un o'r practisiau ym Mhowys a nodwyd yn Ateb 9. Bydd meddygon dan hyfforddiant sydd yn y categori hwnnw yn derbyn eu taliad cymhelliad cyntaf yn y cyflog misol cyntaf y byddant yn ei dderbyn ar ôl dechrau eu penodiad ST3 yn yr ardal darged.

Bydd rhaid i feddygon dan hyfforddiant sy'n gymwys lofnodi a dychwelyd ffurflen Telerau ac Amodau Cynllun Cymhelliad GIG Cymru sy'n pennu meini prawf y cymhelliad cyn y gwneir y taliad.

C13. Pryd caiff ail daliad y cymhelliad targed ei wneud?

A13. Telir ail daliad y cymhelliad targed ar ôl i'r unigolyn gwblhau ei hyfforddiant meddyg teulu yn llwyddiannus ac ar ôl gweithio am un flwyddyn mewn swydd barhaol/gyfnod penodol fel partner meddyg teulu, neu feddyg teulu mewn practis neu ganolfan y tu allan i oriau mewn un o'r Ardaloedd Bwrdd Iechyd Cymwys. Os bydd meddygon teulu dan hyfforddiant sydd newydd gymhwyso ac a gwblhaodd eu hyfforddiant mewn ardal darged, yn derbyn swydd locwm yn syth ar ôl cwblhau eu hyfforddiant tra eu bod yn ystyried eu gyrfa, gallant fod yn gymwys am yr ail daliad o hyd. Mae hyn ar yr amod eu bod yn cymryd swydd barhaol/gyfnod penodol fel partner meddyg teulu, neu fel meddyg teulu mewn practis neu ganolfan y tu allan i oriau mewn Ardal Bwrdd Iechyd Cymwys, am gyfnod o un flwyddyn o leiaf ac o fewn chwe mis o gwblhau eu hyfforddiant.

C14. Beth os rwy'n hyfforddi / gweithio yn rhan amser?

A14. Ni ddisgwylir y bydd unigolyn yn hyfforddi ac yn gweithio yn amser llawn. Os yw unigolyn yn hyfforddi ac yn gweithio yn rhan amser, bydd yr unigolyn hwnnw yn gymwys o hyd am y taliad cymhelliad llawn.

C15. Beth fyddai'n digwydd taswn i'n trosglwyddo i gynllun hyfforddi arall?

A15. Mae rhaid i bob meddyg dan hyfforddiant sy'n dymuno trosglwyddo i gynllun arall fodloni'r meini prawf cymhwysedd ar gyfer Trosglwyddo rhwng Deoniaethau neu o fewn yr un Ddeoniaeth. Mae rhagor o wybodaeth ar gael yma: <https://gpst.walesdeanery.org/gp-trainees/interintra-deanery-transfers>

Os bydd meddygon dan hyfforddiant yn bodloni'r meini prawf cymhwysedd hyn ac os bydd lle ar y cynllun hyfforddi yr hoffent drosglwyddo iddo, bydd y cymhelliad targed o hyd yn berthnasol, ar yr amod eu bod yn trosglwyddo i ardal darged.

Os bydd meddygon dan hyfforddiant sydd mewn cynllun hyfforddiant targed yn gadael hyfforddiant er mwyn dechrau rhaglen hyfforddiant mewn cynllun hyfforddiant arbenigol ym

maes gofal eilaidd mewn ardal darged, ni fyddant yn gymwys am y cymhelliad targed a chaiff yr arian ei adennill, fel yr amlinellir yng nghwestiwn 23 isod.

Os bydd meddyg teulu dan hyfforddiant yn symud i gynllun hyfforddiant mewn ardal sydd yng Nghymru sydd heb ei thargedu, neu'n symud i gynllun hyfforddi mewn rhan arall o'r DU, neu'n gadael y cynllun hyfforddi meddygon teulu am unrhyw reswm arall, caiff yr arian ei adennill, fel yr amlinellir yn Ateb 20 isod.

Os bydd meddygon teulu dan hyfforddiant yn symud o gynllun hyfforddiant meddygon teulu mewn ardal yng Nghymru sydd heb ei thargedu i ardal sydd wedi ei thargedu, ni fyddant yn gymwys am y taliad cymhelliad targed.

C16. A gaiff y taliad cymhelliad ei dalu yn lle cyflog?

A16. Na chaiff. Nid defnyddio'r taliad hwn yn lle cyflog nac unrhyw gostau cyflogaeth eraill yw nod y cymhelliad hwn.

C17. Beth os na fyddaf yn gweithio'n amser llawn ar ôl cwblhau fy hyfforddiant meddyg teulu?

A17. Ni ddisgwylir y bydd y rhai sy'n cymryd swydd barhaol/gyfnod penodol mewn Ardal Bwrdd Iechyd Cymwys fel partner, neu feddyg teulu mewn practis neu wasanaeth y tu allan i oriau, yn gwneud hynny ar sail amser llawn. Felly, byddent o hyd yn gymwys i dderbyn ail daliad y cymhelliad.

C18. Fydd rhaid imi gymryd swydd barhaol mewn practis/gwasanaeth y tu allan i oriau yn yr un ardal hyfforddiant?

A18. Fe'i rhagwelir y bydd meddygon dan hyfforddiant yn cymryd swydd barhaol/gyfnod penodol fel partner meddyg teulu, neu feddyg teulu cyflogedig mewn practis neu wasanaeth y tu allan i oriau, yn yr un ardal darged ag y gwnaethant hyfforddi ynddi. Fodd bynnag, os byddant yn gweithio mewn ardal darged arall, byddant o hyd yn gymwys am y cymhelliad targed.

Os gwnaeth unigolyn hyfforddi mewn ardal sydd heb ei thargedu cyn cael gwaith fel meddyg teulu cymwys mewn ardal sydd wedi ei thargedu, ni fyddent yn gymwys am daliad y cymhelliad.

C19. Â phwy y dylwn i siarad am fy mlwyddyn practis meddyg teulu/gwasanaeth y tu allan i oriau ar ôl cymhwyso?

A19. Bydd rhaid i unigolion ddangos tystiolaeth o'u blwyddyn mewn ymarfer er mwyn derbyn taliad y cymhelliad. Bydd y dystiolaeth hon yn cynnwys slipiau cyflog ar gyfer y cyfnod o 12 mis ynghyd â llythyr oddi wrth eich practis meddyg teulu/gwasanaeth y tu allan o oriau sy'n cadarnhau eich cyflogaeth. Os hoffech chi drafod ymhellach, e-bostiwch

NWSSPGPSingleLeadEmployer@wales.nhs.uk

Adennill cymelliadau targed

C20. Ym mha amgylchiadau y byddai rhaid imi ad-dalu'r cymelliadau?

A20. Bydd y rhai sy'n gadael y rhaglen hyfforddi meddygon teulu o'u gwirfodd trwy symud o Gymru, trosglwyddo i gynllun hyfforddi mewn ardal sydd heb ei thargedu neu'n newid eu harbenigedd yn gorfod ad-dalu cyfran o'r £10,000.

C21. Sut y caiff y taliadau eu had-ennill?

A21. Caiff taliad y cymhelliad ei ad-ennill:

- ar sail yr hyn a dderbyniodd y meddyg dan hyfforddiant ar ôl treth ac yswiriant gwladol a
- bydd yn cael ei osod ar raddfa sy'n lleihau yn ôl y flwyddyn hyfforddiant y byddwch yn gadael

– po gynharaf y byddwch yn gadael, y mwyaf y caiff ei adennill. Mae hyn yn cydnabod y ffaith bod meddygon dan hyfforddiant yn darparu gwasanaeth wrth iddynt hyfforddi.

C22. Ym mha amgylchiadau y byddai rhaid imi ad-dalu'r taliadau cymhelliad?

A22. Bydd rhaid i'r unigolion canlynol ad-dalu: y sawl sy'n gadael y rhaglen hyfforddi meddygon teulu o'u gwirfodd trwy symud o Gymru, y sawl sy'n gadael y rhaglen hyfforddi trwy drosglwyddo i raglen hyfforddiant arbenigol arall neu'r sawl sy'n trosglwyddo i gynllun hyfforddi meddygon teulu mewn ardal sydd heb ei thargedu.

Ni chaiff taliad y cymhelliad ei ad-dalu os bydd y meddyg dan hyfforddiant yn cyrraedd diwedd eu rhaglen hyfforddiant ond yn methu pasio un neu ragor o elfennau o arholiad aelodaeth Coleg Brenhinol y Meddygon Teulu.

Ni chaiff ail daliad y cymhelliad o £10,000 ei adennill, gan y caiff hyn ei dalu ar ddiwedd y cyfnod o un flwyddyn o weithio mewn swydd barhaol/gyfnod penodol fel partner meddyg teulu neu fel meddyg teulu cyflogedig mewn practis neu wasanaeth y tu allan i oriau mewn Ardal Bwrdd Iechyd Cymwys.

C23. Pwy fydd yn gyfrifol am ddyrannu ac adennill y cyllid?

A23. Partneriaeth Cydwasanaethau GIG Cymru fydd yn gyfrifol am dalu ac adennill taliadau'r cymhelliad ar ran Ymddiriedolaeth GIG Felindre (Cyflogwr Arweiniol). Os oes gennych unrhyw ymholiadau am hyn, e-bostiwch NWSSPGPSingleLeadEmployer@wales.nhs.uk

C24. A fydd y taliadau'n cael eu trethu?

A24. Byddant, caiff treth incwm ac yswiriant gwladol eu casglu o'r taliadau.

Y Cymhelliad Cyffredinol

C25. Pam mae hyn wedi ei gyflwyno yng Nghymru?

A25. Nod y cymhelliad hwn yw cydnabod gwerth a phwysigrwydd hyfforddiant meddygon teulu yng Nghymru a helpu i gynyddu diddordeb mewn hyfforddiant yng Nghymru a nifer y ceisiadau i'w wneud yma. Gwneir hyn fel bod mwy o swyddi meddygon teulu yn cael eu llenwi.

C26. Pwy fydd yn gymwys am y taliadau hyn?

A26. Bydd pob meddyg teulu dan hyfforddiant sy'n dechrau penodiad cyntaf eu rhaglen hyfforddiant yn 2017, 2018, 2019, 2020 a hyd at a chan gynnwys Chwefror 2021 yn gymwys.

Taliadau

C27. Am beth mae'r taliad i fod i dalu?

A27. Mae rhaid i feddygon teulu dan hyfforddiant basio pob elfen o arholiad aelodaeth Coleg Brenhinol y Meddygon Teulu. Dwy elfen o'r arholiad yw'r Asesiad Sgiliau Clinigol a'r Prawf Cymhwyso Gwybodaeth. Bydd taliad y cymhelliad cyffredinol yn talu am gost sefyll yr Asesiad Sgiliau Clinigol a'r Prawf Cymhwyso Gwybodaeth unwaith.

C28. Beth sy'n digwydd os ydw i'n methu'r Asesiad Sgiliau Clinigol a/neu'r Prawf Cymhwyso Gwybodaeth?

A28. Dim ond am gost sefyll y profion unwaith y bydd modd i unigolion hawlio. Ni chaiff rhagor o daliadau eu gwneud os bydd rhaid i'r meddyg dan hyfforddiant sefyll y naill brawf neu'r llall mwy nag unwaith.

C29. Fydd rhaid i'r meddyg dan hyfforddiant dalu costau sefyll yr arholiadau yn y lle cyntaf?

A29. Bydd. Gellir hawlio costau sefyll yr Asesiad Sgiliau Clinigol a'r Prawf Cymhwyso Gwybodaeth am y tro cyntaf wedyn trwy system e-dreuliau.

Rhagfyr 2019